

Na osnovu člana 8. stav 1. Zakona o principima lokalne samouprave u Federaciji Bosne i Hercegovine («Službene novine Federacije BiH», broj: 49/06 i 51/09), člana 70. stav 1. tačka 2. Statuta Općine Vogošća («Sl.novine Kantona Sarajevo», broj: 27/14,14/15 i 9/20), Općinsko vijeće Vogošća na sjednici održanoj 30.08.2022. godine, donijelo je

PRAVILNIK

O KRITERIJIMA ZA DODJELU STIPENDIJA UČENICIMA I STUDENTIMA I NAGRAĐIVANJU IZUZETNO NADARENIH UČENIKA I STUDENATA

I. OSNOVNE ODREDBE

Član 1.

Ovim Pravilnikom utvrđuju se osnove, načini i kriteriji za dodjelu stipendija redovnim učenicima srednjih škola i redovnim studentima, koji imaju prebivalište – boravište na području općine Vogošća.

Član 2.

Pravo učešća na konkursu imaju redovni učenici srednjih škola sa područja Kantona Sarajevo i redovni studenti Univerziteta u Sarajevu i pridruženih članica, kao i studenti fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH, pod uslovom da isti ne postoje u Kantonu Sarajevo, studijski program I i II ciklusa , a u prethodnoj školskoj godini su imali uspjeh u školi odnosno na fakultetu, i to:

- redovni učenici prvog razreda srednje škole (koji su završili IX razred u prethodnoj školskoj godini) sa najmanjom prosječnom ocjenom – 5,0 (pet),
- redovni učenici srednjih škola sa najmanjom prosječnom ocjenom – 4,5 (četiri i pol),
- redovni studenti prve godine Univerziteta u Sarajevu (koji su završili IV razred u prethodnoj školskoj godini) sa najmanjom prosječnom ocjenom - 4,5 (četiri i pol),
- redovni studenti Univerziteta u Sarajevu koji pohađaju tehničke i medicinske grupe fakulteta sa prosjekom ocjena najmanje – 7,5 (sedam i pol),
- redovni studenti Univerziteta u Sarajevu svih ostalih fakulteta sa prosjekom ocjena najmanje – 8,0 (osam)
- redovni studenti fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo, koji pohađaju tehničke i medicinske grupe fakulteta sa prosjekom ocjena najmanje – 7,5 (sedam i pol),
- redovni studenti fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo, sa prosjekom ocjena najmanje – 8,0 (osam)
- redovni učenici srednjih škola koji se školuju za zanimanja za kojima je vogošćanska privreda iskazala potrebu
- učenici i studenti čiji članovi domaćinstva nemaju nikakvih primanja bez obzira na prosjek ocjena u predhodnoj školskoj/akademskej godini

Član 3.

Pravo na stipendiju ne mogu ostvariti učenici i studenti koji koriste stipendiju po drugom osnovu, koji su obnovili godinu, koji imaju status apsolvanta ili čija porodica po članu

domaćinstva ima primanja veća od jedne polovine prosječne plaće u Federaciji Bosne i Hercegovine.

Stipendija Općine Vogošća ne može se dodijeliti za dva ili više kandidata iz iste porodice.

Član 4.

Pravo na stipendiju ostvaruju redovni studenti Univerziteta u Sarajevu, redovni studenti fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo sa prosjekom 9 (devet) i učenici II, III i IV razreda Srednje škole sa prosjekom 5 (pet), ukoliko nisu obnovili godinu, nemaju status apsoluta i ne koriste stipendiju po drugom osnovu.

Član 5.

Pravo na stipendiju ostvaruju redovni učenici i studenti Univerziteta u Sarajevu, redovni studenti fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo bez oba roditelja, učenici i studenti čiji je jedan od roditelja dobitnik najvećeg ratnog priznanja i učenici i studenti sa teškim oboljenjima utvrđenim na osnovu klasifikacione liste teških oboljenja.

Član 6.

Općinski načelnik može dodijeliti stipendiju učenicima/studentima koji nisu ostvarili to pravo na osnovu kriterija utvrđenih ovim Pravilnikom, ukoliko procjeni da je potrebno dodijeliti stipendiju u specifičnoj situaciji koja nije predviđena ovim Pravilnikom.

Ukupan iznos ovako dodjeljenih stipendija ne može preći 5 % od ukupnog iznosa planiranih sredstava za stipendije iz Budžeta za svaku školsku/akademsku godinu.

II. STIPENDIRANJE

Član 7.

Broj stipendija koje se dodjeljuju za svaku školsku/akademsku godinu, utvrđuje se na osnovu raspoloživih sredstava, planiranih Budžetom Općine Vogošća.

Član 8.

U skladu sa potrebama, planiranim finansijskim sredstvima u budžetu Općine, Općina Vogošća dodjeljuje stipendije redovnim učenicima srednjih škola sa područja Kantona Sarajevo i redovnim studentima Univerziteta u Sarajevu, redovnim studentima fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo

Stipendije se dodjeljuju proporcionalno po godinama studija, odnosno razredima.

Član 9.

Ukoliko iz određenog razreda ili godine školovanja/studija nema dovoljan broj kandidata koji ispunjavaju kriterije iz Odluke, stipendija će se dodijeliti učenicima/studentima iz drugih godina, po prijedlogu Komisije za provođenje Konkursa, a uz saglasnost Općinskog načelnika.

Član 10.

Stipendije se dodjeljuju za jednu školsku/akademsku godinu i isplaćivat će se za 9 (devet) mjeseci trajanja školske/akademske godine.

Član 11.

Visina mjesečne stipendije iznosi:

- za učenike.....75,00 KM
- za studente.....125,00 KM

III. IZBOR KANDIDATA

Član 12.

Izbor kandidata za dodjelu stipendija vrši se na osnovu prijave na konkurs.

Konkurs sadrži: uslove koje kandidati moraju ispunjavati, broj stipendija koje se dodjeljuju, visinu mjesečne stipendije, spisak potrebnih dokumenata, rok, mjesto i način za podnošenje prijave, način objavljivanja rezultata konkursa.

Konkurs se objavljuje u dnevnim novinama, na oglasnoj ploči i zvaničnoj web stranici Općine.

Član 13.

Načelnik Općine imenuje komisiju za provođenje konkursa. Komisija se sastoji od predsjednika i dva člana.

Komisija za provođenje konkursa razmatra pristigle prijave na konkurs, sačinjava zapisnik o radu i privremenu rang listu kandidata koji ispunjavaju uslove propisane Pravilnikom.

Član 14.

Na osnovu sačinjene privremene rang liste Općinski načelnik donosi zaključak o rezultatima konkursa za dodjelu stipendija učenicima i studentima.

Zaključak o rezultatima konkursa objavljuje se na oglasnoj ploči Općine Vogošća i web stranici.

Protiv zaključka se može izjaviti prigovor Komisiji za rad po prigovorima, u roku od 15 dana od dana objavljivanja zaključka.

Član 15.

Komisiju za rad po prigovorima imenuje Općinski načelnik. Komisija se sastoji od predsjednika i dva člana.

Komisija će razmotriti sve prigovore i o rezultatima razmatranja prigovora izvjestiti podnosiocima prigovora i Općinskog načelnika.

Član 16.

Općinski načelnik sa kandidatima koji su ostvarili pravo na stipendiju sklapa ugovor o stipendiranju koji sadrži:

- ime, prezime i JMB učenika-studenta,
- ime, prezime roditelja-staratelja,
- tačnu adresu stanovanja,
- način isplate i druge potrebne podatke.

Ugovor potpisuje roditelj-staratelj malodobnog učenika, odnosno učenik/student, s jedne i Načelnik Općine, s druge strane.

Član 17.

Pravo Općinskog načelnika je da obustavi isplatu stipendije, u skladu sa uslovima iz ovog Pravilnika.

Roditelj-staratelj učenika i student koji je potpisnik Ugovora o stipendiranju, dužan je vratiti sav iznos sredstava koji je primio za stipendiranje, ako:

- kandidat napusti redovno školovanje/studiranje,
- izgubi pravo na dalje školovanje/studiranje,
- predajom dokumenata ili izjava, za koje se naknadno utvrdi da su lažni,
- ostvarivanjem prava na drugu stipendiju.

IV. KRITERIJI ZA DODJELU STIPENDIJA

Član 18.

Kandidati za stipendiju Općine Vogošća boduju se po slijedećim kriterijima:

1. Bodovi po osnovu rezultata u učenju

- za učenike srednje škole prosječna ocjena u prethodnoj školskoj godini, zaokružena na dvije decimale i pomnožena sa 10 (deset)
- za učenike I (prvog) razreda srednje škole prosječna ocjena u devetom razredu osnovne škole, zaokružena na dvije decimale i pomnožena sa 9 (devet)
- za studente na I (prvoj) godini studija prosječna ocjena u IV (četvrtom) razredu srednje škole, zaokružena na dvije decimale i pomnožena sa 18 (osamnaest)
- za studente viših godina studija, prosječna ocjena iz prethodne godine zaokružena na dvije decimale i pomnožena sa 10 (deset)

2. Bodovi po osnovu otežanih uslova života, koji su nastali kao posljedica rata, bolesti ili drugih okolnosti, u skladu sa propisima iz boračko-invalidske i socijalne zaštite

- Učenik/student čiji je roditelj poginuo kao pripadnik boračke populacija (šehidska porodica) 6 bodova
- Učenik/student čiji je roditelj pripadnik boračkih populacija po bilo kom osnovu (demobilisani borac, dobrovoljac i organizator otpora, veteran, učesnik rata, ratni vojni invalid) 5 bodova
- Učenik/student čiji je roditelj civilna žrtva rata ili logoraš 3 boda

Kriteriji navedeni u tački 2. ne primjenjuju se kumulativno, bodovi se dobivaju po samo jednom kriteriju a koji je povoljniji za kandidata.

3. Bodovi po osnovu primanja po članu domaćinstva

- Učenik-student čiji članovi domaćinstva nemaju nikakvih primanja 10 bodova
- Učenik-student čiji članovi domaćinstva, po članu domaćinstva, ima primanja manja od 10 % prosječne mjesečne plaće u Federaciji BiH za prethodna tri mjeseca 5 bodova
- Učenik-student čiji članovi domaćinstva, po članu domaćinstva, ima primanja od 10 do 20 % prosječne mjesečne plaće u Federaciji BiH za prethodna tri mjeseca..... 4 boda
- Učenik-student čiji članovi domaćinstva, po članu domaćinstva, ima primanja od 20 do 30 % prosječne mjesečne plaće u Federaciji BiH za prethodna tri mjeseca.....3 boda
- Učenik-student čiji članovi domaćinstva, po članu domaćinstva, ima primanja od 30 do 40 % prosječne mjesečne plaće u Federaciji BiH za prethodna tri mjeseca.....2 boda
- Učenik-student čiji članovi domaćinstva, po članu domaćinstva, ima primanja od 40 do 50 % prosječne mjesečne plaće u Federaciji BiH za prethodna tri mjeseca.....1 bod

Član 19.

Ukoliko prijavljeni kandidati pri bodovanju imaju isti broj bodova, prednost će imati onaj kandidat koji je osvojio više bodova po osnovu rezultata u učenju, a ako su isti onda kandidat čija su primanja po članu domaćinstva niža.

ZLATNA ZNAČKA UNIVERZITETA

Član 20.

Novčanom nagradom do 1.000,00KM nagradit će se najuspješniji diplomant i magistrant-nosilac priznanja "Zlatna značka Univerziteta u Sarajevu" i „Zlatna značka“ fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo.

Novčanom nagradom do 500,00KM nagradit će se diplomant i magistrant-nosilac priznanja "Srebrna značka Univerziteta u Sarajevu", „Srebrna značka“ fakulteta koji su locirani izvan područja Kantona Sarajevo a članice su Univerziteta nekog od kantona u Federacija BiH pod uslovom da isti ne postoje u Kantonu Sarajevo.

OPĆINSKO TAKMIČENJE IZ NASTAVNIH PREDMETA

Član 21.

U skladu sa mogućnostima raspoloživih sredstava u općinskom Budžetu, novčanom nagradom za postignute izuzetne rezultate na raznim nivoima takmičenja nagradit će se:

- Izuzetno nadareni učenici osnovnih škola za osvojeno treće mjesto na općinskom takmičenju iz predmeta za koje takmičenje organizuje Kantonalno ministarstvo
50,00 KM
- Izuzetno nadareni učenici osnovnih škola za osvojeno drugo mjesto na općinskom takmičenju iz predmeta za koje takmičenje organizuje Kantonalno ministarstvo
60,00 KM
- Izuzetno nadareni učenici osnovnih škola za osvojeno prvo mjesto na općinskom takmičenju iz predmeta za koje takmičenje organizuje Kantonalno ministarstvo
70,00 KM

V. ZAVRŠNE ODREDBE

Član 22.

Danom stupanja na snagu ovog Pravilnika prestaje da važi Pravilnik o kriterijima za dosjelu stipendija učenicima i studentima („Službene novine Kantona Sarajevo“ broj:45/14, 51/16 i 44/17).

Član 23.

Ovaj Pravilnik stupa na snagu osmog dana od dana objavljivanja u «Službenim novinama Kantona Sarajevo».

Broj: 01-04-1421/22
Vogošća, 30.08.2022. godine

